

明 李時珍編著

本草綱目

人民衛生出版社影印

本草綱目

(上、下册)

开本: 850×1168/32

印张: 57 $\frac{8}{16}$

插页: 9

明·李时珍 编著

人民卫生出版社影印

(北京书刊出版业营业许可证出字第〇四六号)

·北京崇文区横街四十六号·

农业出版社印刷厂印刷

新华书店北京发行所发行 各地新华书店经售

统一书号: 14048·1062

定 价: 8.00 元

1957年4月第1版—第1次印刷

1963年6月第1版—第4次印刷

印 数: 18,601—35,600

樣本庫



李時珍像 (1518—1593)

紀稱望龍光知古劍。蜺寶氣辯明珠。故萍實商羊。非天明莫洞。厥後博物稱華。辯字稱康。析寶王稱倚頤。亦僅僅晨星耳。楚靳陽李君東壁。一日過予。弇山園謁予。留飲數日。予窺其人。晬然貌也。癯然身也。津津然譚議也。

予弇山園謁予留飲數日予窺其人
粹然貌也癯然身也津津然譚議也

歷代諸家本草

[illegible]

勅封文林郎四川蓬溪縣知縣蘄州李時珍編輯

雲南永昌府通判男李建中

黃州府儒學生員男李建元

校正

應天府儒學生員

黃申

高第

太醫院醫士男李建方

蘄州儒學生員男李建木重訂

生員孫李樹宗

生員孫李樹聲次卷

生員孫李樹勳

荆府引禮生孫李樹本楷書

金陵後學 胡承龍梓行

“本草綱目”的第一刻本，開刻於明萬曆十八年（1590），是李時珍親自主持而由金陵胡承龍承刻的。目前該刻原書在國內雖為稀有，但有全帙。茲特選影四幀於上，以資介紹真蹟。

右上:王世貞原序首頁,左上:卷一首頁,右下和左下:輯書人姓氏

內 容 簡 介

本草學是祖国醫學中一個重要的組成部分，對人類醫藥衛生事業有著很大的貢獻。本書是我國本草學中一部在世界上享有聲譽的著作，因為它不僅總結了十六世紀以前我國人民用藥的經驗，並以當代的成就大大豐富了本草學的內容。

本書作者李時珍（一五一八—一五九三），是我國明代一個偉大的醫藥學家。他以嚴謹的治學態度，用了三十年的時間，編成此書。除參考八百多種有關書籍之外，對於許多重要藥物，還親至各地進行實物採訪，並結合他自己的臨床經驗，才作出慎重的記載。

本書共五十二卷，分十六綱，六十二目。收載藥物將近一千九百種，其中三百七十多種是新收錄的。正文以前，先附實物圖譜，次叙「百病主治藥」，然後依綱就目分述各種藥物的釋名、集解、氣味、主治、修治、發明、正訛、附方等項。由於本書的論述範圍極為廣泛，除了詳述藥物的臨床應用外，還包括有中藥炮制法、藥物鑑定法、藥物培植法……等各方面的知識。因此，本書的用途不僅與臨床治療密切結合，且可供多種專門學術研究者的參考。

總之，本書對我國本草學的發展起着重大的作用，一方面使明以前的歷代本草學，經過作者的「剪繁去復，繩謬補遺」後，得到了比較全面的整理；另一方面因本書對藥物的「析族、分

類、擬制、分目」要求頗為嚴格，給明以后的本草學研究者提供了有利的條件，直到今天，仍為醫藥學界和其他學術研究者所重視。所以，本書自明代刊行以來，不僅國內翻刻甚多，並已譯成多種外國文字而流傳于國際間。

茲據刻本較精的清、光緒十一年（一八八五）張氏味古齋刻本影印。為了使該刻本在質量上提高一步，特據本書第一個刻本「金陵第一板」（李時珍生前開刻的）加以校勘，附校勘記于后。更為符合實用起見，除加編「藥名、釋名索引」外，並根據清、蔡烈先編《萬方針線》一書的內容，改編為「附方索引表」，一併附于卷后。因此，本書在效用上較一般刊本尤為實用。

重訂本草綱目序

古之學者始格物物有形有質有氣味紛然犁然不格無以致吾知也形有特有叢有蔓有歧有苞有莢質有草木金石鳥獸鱗介氣有升降補瀉寒熱味有甘苦辛酸神農品嘗之明哲既以爲本草後賢乃分南北道地原本山川辨其厚薄清濁之異以推致所知蘇恭蘇頌諸賢以逮繆氏汪氏各盡其精神心思益擴所見吾以爲大觀本草之外必推瀕湖爲集大成腐居金陵嘗脩合藥裏贈貧乏及鄉僻乏醫之區又持方書俵散以盡吾心近以侍養老親益留心方術病坊刻瀕湖本草之因仍訛誤爰重爲鏤板經文集解之外午者據依古書檢覈善本植物圖大半本之吳君申甫所段植物圖考藥之產於茅蔣者亦採擇仿寫餘悉宗原本而精樞焉經始於癸未八月迄乙酉五月閱二歲糜工數萬乃克蒔事其校理訛誤監督剗劑命兒子席珍士瑜士珩分任之商榷方劑區別品彙醫士王君鏡堂之力爲多參以鍾君受白而經紀其事始終不懈者則范君靜存也此外如田

君撰異曹君晴峯熊君仲山翁君鐵梅党君幼雲張君貫之程君達三陳君振遠許君功甫朱君藻臣或參校讐或司綜核或職圖繪謹備書之傳曰人之欲善誰不如我此之謂歟雖然因方以檢藥可也謂所載方果足治病不可也夫病有外感六淫內因七情疑似之差毫釐千里既失古人處劑之意又以害民而議古書是在善讀者變化神明庶不失吾重訂之本意也已

光緒十一年六月合肥張紹棠自記於冶山竹居

本草綱目原序

紀稱望龍光知古劍。規寶氣辯明珠。故萍實商羊。非天明莫洞。厥後博物稱華。辯字稱康。析寶玉稱倚頓。亦僅僅晨星耳。楚斬陽李君東璧。一日過子弇山園。謁子。留飲數日。子窺其人。晬然貌也。癯然身也。津津然譚議也。真北斗以南一人。解其裝。無長物。有本草綱目數十卷。謂子曰。時珍荆楚鄙人也。幼多羸疾。質成鈍椎。長耽典籍。若啖蔗飴。遂漁獵羣書。搜羅百氏。凡子史經傳。聲韻農圃。醫卜星相。樂府諸家。稍有得處。輒著數言。古有本草一書。自炎皇及漢梁唐宋。下迨國朝。註解羣氏舊矣。第其中舛謬差譌。遺漏不可枚數。迺敢奮編摩之志。僭纂述之權。歲歷三十稔。書攷八百餘家。稿凡三易。複者芟之。闕者緝之。譌者繩之。舊本一千五百一十八種。今增藥三百七十四種。分爲一十六部。著成五十二卷。雖非集成。亦粗大備。僭名曰本草綱目。願乞一言以託不朽。子開卷細玩。每藥標正名爲綱。附釋名爲目。正始也。次以集解。辯疑正誤。詳其土產形狀也。次以氣味主治附方。著其

體用也。上自墳典。下及傳奇。凡有相關。靡不備采。如入金谷之園。種色奪目。如登龍君之宮。寶藏悉陳。如對冰壺玉鑑。毛髮可指數也。博而不繁。詳而有要。綜核究竟。直窺淵海。茲豈僅以醫書觀哉。實性理之精微。格物之通典。帝王之祕錄。臣民之重寶也。李君用心嘉惠何勤哉。噫。砒玉莫剖。朱紫相傾。弊也久矣。故辯專車之骨。必筮魯儒。博支機之石。必訪賣卜。予方著弇州卮言。恚博古如丹鉛。卮言後乏人也。何幸親茲集哉。茲集也。藏之深山石室。無當。盍鐫之。以共天下後世。味太玄如子雲者。時萬曆歲庚寅春上元日。弇州山人。鳳洲王世貞拜撰。

進本草綱目疏

湖廣黃州府儒學增廣生員李建元謹□□□
奏爲遵奉□□□□□□□□□□□□□□□□
明例訪書進獻本草以備采擇事。臣伏讀禮部儀制
司勘合一款恭請□□□□□□□□□□□□□□
聖明勅儒臣開書局纂脩正史移文中外凡名家著
述有闕□□□□□□□□□□□□□□□□□□
國家典章及紀君臣事跡他如天文樂律醫術方技
諸書但成一家名言可以垂于方來者卽訪求
解送以備采入藝文志加已刻行者卽刷印一
部送部或其家自欲進獻者聽奉此臣故父李
時珍原任楚府奉祠奉□□□□□□□□□□□□
勅進封文林郎四川蓬溪知縣生平篤學刻意纂脩
會著本草一部甫及刻成忽值數盡撰有遺表
令臣代獻臣切思之父有遺命而子不遵何以
承先志父有遺書而子不獻何以應□□□□□□
朝命矧今脩史之時又值取書之會臣不揣庸陋不
避斧鉞謹述故父遺表臣父時珍幼多羸疾長

成鈍椎耽嗜典籍若啖蔗飴攷古證今奮發編
摩苦志辨疑訂誤留心纂述諸書伏念本草一
書關係頗重註解羣氏謬誤亦多行年三十力
肆校讐歷歲七旬功始成就野人炙背食芹尙
欲獻之□□□□□□□□□□□□□□□□□□
天子微臣採珠璣玉敢不上之□□□□□□□□
明君昔炎皇辨百穀嘗百草而分別氣味之良毒軒
轅師岐伯遵伯高而剖析經絡之本標遂有神
農本草三卷藝文錄爲醫家一經及漢末而李
富之始加校脩至梁末而陶弘景益以註釋古
藥三百六十五種以應重卦唐高宗命司空李
勣重脩長史蘇恭表請伏定增藥一百一十四
種宋太祖命醫官劉翰詳校宋仁宗再詔補註
增藥一百種召醫唐愼微合爲證類脩補眾本
草五百種自是人皆指爲全書醫則目爲奧典
夷考其間疵瑕不少有富析而混者如葳蕤女
萎二物而併入一條有富併而析者如南星虎
掌一物而分爲二種生薑薑黃也而列草品

檳榔龍眼果也。而列木部。八穀生民之天也。不能明辨其種類。三菰日用之蔬也。罔克的別其名。稱黑豆赤菰。大小同條。消石芒消。水火混注。以蘭花爲蘭草。卷丹爲百合。此寇氏衍義之外謬。謂黃精卽鉤吻。旋花卽山薑。乃陶氏別錄之差。譌酸漿苦膽。草菜重出。掌氏之不審。天花栝樓。兩處圖形。蘇氏之欠明。五倍子。構蟲窠也。而認爲木實。大蘋草。田字草也。而指爲浮萍。似茲之類。不可枚陳。畧摘一二。以見錯誤。若不類分品列。何以印定羣疑。臣不揣猥愚。僭肆刪述。重伏者芟之。遺缺者補之。如磨刀水。涼水。桑柴火。艾火。鎮陽山柰。土茯苓。番木鱉。金枯。樟腦。蠟虎。狗蠟。白蠟。水蛇。狗寶。秋蟲之類。竝今方所用。而古本則無。三七。地羅。九仙子。蜘蛛香。豬腰子。勾金皮之類。皆方物土宜。而稗官不載。今增新藥。凡三百七十四種。類析舊本分爲一十六部。雖非集成。實亦粗備。有數名或散見各部。總標正名爲綱。餘各附釋爲目。正始也。次以集解辨疑。

正誤。詳其出產形狀也。次以氣味主治附方。著其體用也。上自墳典。下至傳奇。凡有相關。靡不收采。雖命醫書。實該物理。我□□□□□□□□□□
太祖高皇帝首設醫院。重設醫學。沛仁心仁術于九有之中。□□□□□□□□□□□□□□□□□□□□
世宗肅皇帝既刻醫方選要。又刻衛生易簡。藹仁政仁聲于率土之遠。伏願□□□□□□□□□□□□□□
皇帝陛下體道守成。遵祖繼志。當離明之正位。司考文之大權。留情民瘼。再脩司命之書。□□□□□□□□
特詔良臣著成□□□□□□□□□□□□□□□□□□□□
昭代之典。治身以治天下。書當與日月爭光。壽國以壽萬民。臣不與草木同朽。臣不勝冀望屏管之至。臣建元爲此一得之愚。上千□□□□□□□□□□
九重之覽。或准行禮部轉發史館采擇。或行醫院重脩。父子卹□□□□□□□□□□□□□□□□□□□□
恩存歿均戴。臣無任瞻□□□□□□□□□□□□□□□□
天仰□□□□□□□□□□□□□□□□□□□□□□□□□□
聖之至

萬曆二十四年十一月 日進呈十八日奉口
聖旨書留覽禮部知道欽此

本草綱目凡例

一神農本草三卷。三百六十種。分上中下三品。梁陶弘景增藥一倍。隨品附入。唐宋重脩。各有增附。或併或退。品目雖存。舊額淆混。義意俱失。今通列一十六部爲綱。六十類爲目。各以類從。三品書名。俱註各藥之下。一覽可知。免尋索也。

一舊本玉石水土混同。諸蟲鱗介不別。或蟲入木部。或木入草部。今各列爲部。首以水火。次之以土。水火爲萬物之先。土爲萬物母也。次之以金石。從土也。次之以草穀菜果木。從微至巨也。次之以服器。從草木也。次之以蟲鱗介禽獸。終之以人。從賤至貴也。

一藥有數名。今古不同。但標正名爲綱。餘皆附於釋名之下。正始也。仍註各本草名目。紀原也。

一唐宋增入藥品。或一物再出三出。或二物三物混註。今俱改正分別歸併。但標其綱。而附列其目。如標龍爲綱。而齒角骨腦胎涎皆列爲目。標梁爲綱。而赤黃梁米皆列爲目之類。

一諸品首以釋名。正名也。次以集解。解其出產形狀。採取也。次以辨疑。正誤。辨其可疑。正其謬誤也。次以脩制。謹炮炙也。次以氣味。明性也。次以主治。錄功也。次以發明。疏義也。次以附方。著用也。或欲去方。是有體無用矣。舊本附方二千九百三十五。今增八百六十一。

一唐宋以朱墨圈蓋分別古今。經久訛謬。今既板刻。但直書諸家本草名目于藥名主治之下。便覽也。

一諸家本草。重複者刪去。疑誤者辨正。采其精粹。各以人名。書于諸款之下。不沒其實。且是非有歸也。

一諸物有相類。而無功用。宜參攷者。或有功用。而人卒未識者。俱附錄之。無可附者。附于各部之末。蓋有隱于古而顯于今者。如莎根卽香附子。陶氏不識。而今則盛行。辟虺雷昔人罕言。而今充方物之類。雖冷僻不可遺也。

一唐宋本所無。金元我明諸醫所用者。增入三十

九種。時珍續補三百七十四種。雖曰醫家藥品。其攷釋性理。實吾儒格物之學。可裨爾雅詩疏之缺。

一舊本序例重繁。今止取神農爲正。而旁采別錄諸家附于下。益以張李諸家用藥之例。

一古本百病主治藥。畧而不切。王氏集要。祝氏證治。亦約而不純。今分病原列之。以便施用。雖繁不棄也。

一神農舊目及宋本總目。附于例後。存古也。

本草綱目總目

第一卷

序例上

第二卷

序例下

第三卷

百病主治藥上

第四卷

百病主治藥下

第五卷

水一

水二

第六卷

火一

第七卷

土一

第八卷

金石一

水部二類

天水類一十三種

地水類三十種

火部一類

凡一十一種

土部一類

凡六十一種

金石部五類

金類二十八種

石二

第九卷

石三

第十卷

石四

第十一卷

石五

第十二卷

草一

第十三卷

草二

第十四卷

草三

第十五卷

草四

第十六卷

草五

第十七卷

玉類一十四種

石類上三十二種

石類下四十種

齒石類二十種
附錄二十七種

草部一十一類
山草類上三十一種

山草類下三十九種

芳草類五十六種

陸草類上五十三種

陸草類下七十三種

草六上下

毒草類四十七種

第十八卷

草七上下

蔓草類七十三種
附錄一十九種

第十九卷

草八

水草類二十二種

第二十卷

草九

石草類一十九種

第二十一卷

草十

苔類一十六種

草十一

雜草類九種
有名未用一百五十三種

第二十二卷

穀一

穀部四類
麻麥稻類一十二種

第二十三卷

穀二

稷粟類一十八種

第二十四卷

穀三

菽豆類一十四種

第二十五卷

穀四

造醴類二十九種

第二十六卷

菜部五類

菜一

葷辛類三十二種

第二十七卷

菜二

柔滑類四十一種

第二十八卷

菜三

鹹菜類一十一種

菜四

水菜類六種

菜五

芝栢類一十五種

第二十九卷

果一

果部六類

五果類一十一種

第三十卷

果二

山果類三十四種

第三十一卷

果三

夷果類三十一種

第三十二卷

果四

味類一十三種

第三十三卷

果五

藏類九種

果六

水果類六種
附錄二十三種

第三十四卷

木部六類

木一

香木類三十五種

第三十五卷

木二

喬木類五十二種

第三十六卷

木三

灌木類五十種又一

第三十七卷

木四

寓木類一十二種

木五

芭木類四種

木六

雜木類七種
附錄十九種

第三十八卷

服器部二類

服器一

服帛類二十五種

服器二

器物類五千四種

第三十九卷

蟲部四類

蟲一

卵生類上二十三種

第四十卷

蟲二

卵生類下二十二種

第四十一卷

蟲三

化生類三十一種

第四十二卷

蟲四

溼生類二十三種
附錄七種

第四十三卷

鱗一

鱗部四類
龍類九種

鱗二

蛇類一十七種

第四十四卷

鱗三

魚類三十一種

鱗四

無鱗魚類二十八種
附錄九種

第四十五卷

介一

介部二類
龜鼈類一十七種

第四十六卷

介二

蚌蛤類二十九種

第四十七卷

禽一

禽部四類
水禽類二十三種

第四十八卷

禽二

原禽類二十二種

第四十九卷

禽三

林禽類一十七種

禽四

山禽類一十三種
附錄一種

第五十卷

獸部四類

獸一

畜類二十八種

第五十一卷

獸二

獸類三十八種

獸三

鼠類一十二種

獸四

禽類怪類共八種

第五十二卷

人部一類

人一

凡三十五種
又附二種

計一十六部六十二類一千八百八十種

原書五十二卷附藥品總目一卷圖三卷奇經

八脈考瀕湖脈學各一卷蔡氏萬方鍼線八卷

又新附趙氏本草綱目拾遺十卷併前都七十

六卷

本草綱目總目卷首終